

Utoqqaat pillugit siunnersuisooqatigiinnik kommunit tamarmik kingusinnerpaamik ukiakkut ataatsimiinnermi 2027-mi peqalernissaannut Naalakkersuisut inatsimmik siunnersuuteqarnissaannut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens Napätôk', Naleraq)

(Siullermeerneqarnera)

Utoqqarnut inatsimmik ataatsimik pilersitsisoqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Mariane Paviassen Jensen, Inuit Ataqtigii)

(Siullermeerneqarnera)

Qujanaq siunnersuuteqartut siunnersuutissinnut.

Siullermik pingaarnertullu Demokraatiniit utoqqartagut qutsavigerusuppagut.

Utoqqaat inuiaqatigiinni sunniuteqarluarsimapput. Taakkuupput nunatsinnik tunngavileeqaataasimasut. Inuiaqatigiinnik paarsisimasut, Pingaartitatsinnik tunngaviliisuusimasut inuiaqatigiit kinaassuserisatsinnik. Taamaattumik utoqqalinerminni toqqissisimasariarput, ataqqineqarlutik pitsaasumillu sullinneqarlutik. Pissusissamisuuinnarpoq, utoqqalinertik atorluarunikku toqqissillutik, inuiaqatigiinni isumagineqarlutik.

Nuna tamakkerlugu utoqqaqarfiuvoq, assigiinngitsumillu atugaqartuullutik. Taamaammat Inatsisartuniik qulakkeerusupparput Kommune tikkuarneqarpat, nuna tamakkerlugu sullissinitsinni eqqumaarittariaqarluta Kommune tamani sinaakkutinut suleqataanissarput, sulisoqarnikkut ineriartortitsisariaqarpugut, piffinnimi assigiinngitsuni utoqqaat allatorluinnaq tamarmik misigisaqartuupput, tassami Kalaallit Nunaat siammasippoq nunaqarfeqarpugut, illoqarfiit minnerit, illoqarfiillu, tamannalu nukittorsagassaavoq tamatsinni, pisussaaffigaarput nukittorsaaqataassalluta.

Siunnersuutini taakknani marlunni, ullumikkut suliarisagut, tamarmik marluullutik utoqqaat atugarisaanik pitsanngorsaaniissamik kissaateqarnermik aallaaveqarput. Kommunini tamani Utoqqat pillugit siunnersuisooqatigiinnik pilersitsinissamik siunnersuuteqarnermi aammalu Utoqqarnut inatsimmik ataatsimoortumik pilersitsinissamik siunnersuuteqarnermi. Siunnersuutit taakku marluk tamarmik pitsaasunik siunertaqarput, siunnersuuteqartullu tunniusimanerat utoqqaat inuiaqatigiinni tusaaneqarnerulernissaannik akuersaarparput.

Taamatuttaarlu paasivarput, Naalakkersuisut taakkorluinnaat anguniarlugit suliamik aallartitsereersimasut. Soorlu akissumi takuneqarsinnaasoq, Naalakkersuisut, ataatsimoorussamik nutaamik utoqqarnut



inatsimmik nutaamik suliaqarneq aallartereersimavaat, utoqqaat pillugit siunnersuisooqatigiit inatsimmi ilaasussanngorlugit. Tamanna silatusaarneruvoq, suliap siammasissumik piviusorsiorlumillu suliarineqara qulakkiissagamiuk.

Utoqqarnut inatsisip nutaap malittarisassaataatsimoortiinnassanngilai utoqqaallu pisinnaatitaaffii ersarissaannarnagit. Aammali Namminersorlutik Oqartussat kommunillu suleqatigiinnerat nukittorsassallugu. Kommunimmi utoqqarnik sullissinermi siuttuupput, ersarissumillu sinaakkuteqartinneqassallutik, aammali kiffaanngissuseqassallutik piffinni naleqqusaaissamut.

Ilisimavarput, kommunit ilai utoqqat pillugit siunnersuisooqatigeeqareersut, aammalu taakku ingerlalluartut. Aammali ilisimavarput, nukinnik tunniusimanermillu pisariaqartoq siunnersuisooqatigiinnik ingerlatsineq. Taamaattumik silatusaarneruvoq, Naalakkersuisut inatsisissami utoqqaat siunnersuisooqatigiivi ilanngunniarmatigit, assigiinnik sinaakkuteqarnissaq pilersillugu tassungalu ilutigalugu, piffinni pigiliunneqarsimanerat attatiinnarlugu.

Oqimaatigiisitsineq pingaarutilik angusaqarluarnerup piviusorsiornerullu akornanni. Iluaqutaanngilarmi inatsiseqassagaanni kommunit piviusunngortissinnaanngisaannik. Taanna mianersorluni ingerlatsineq pitsaasumik siunnersuuteqarnissamut pingaaruteqartorujussuuvuq, taannaluuna uagut Demokraatiniit tamakkiisumik tapersersoripput.

Taamaattumik Naalakkersuisut allannguutissatut siunnersuutaat ilalernartipparput, sulineq ataatsimut suliaasannngorlugi saqqummiummasuk. Taamaaliornerup qulakkiissavaa, utoqqarnut tunngasut ineriartortinnerat eqqarsarluarnikkut kommunillu sullissit utoqqaallu qanimut suleqatigalugit pissasoq.

Tamanna tunngavigalugu Demokraatit Naalakkersuisut allannguutissatut siunnersuutaat taperserpaat, ilaqtariinnermut- aamma Peqqissutsimut ataatsimiititaliami suliareqqinneqartussatut innersuussutigalugu.